



謝康樂集卷之三

樂府

善哉行

陽谷躍升虞淵引落景曜東隅晡晚西薄三春  
燠敷九秋蕭索涼來溫謝寒往暑却居德斯頤  
積善嬉謔陰灌陽叢凋華墮萼歡去易慘悲至  
難鑠激涕當歌對酒當酌鄙哉愚人戚戚懷瘼  
善哉達士滔滔處樂

隴西行

昔在老子至理成篇柱小傾大綆短絕泉鳥之  
栖遊林檀是閑韶樂牢膳豈伊攸便胡爲乖枉  
從表方圓耿耿僚志慊慊丘園善謨以詠言理  
成篇

相逢行

樂府作惠連今  
從藝文作靈運

行行卽長道道長息班草邂逅賞心人與我傾  
懷抱夷世信難值憂來傷人平生不可保  
陽華與春渥陰柯長秋槁心慨榮去速情苦憂  
來早日華難久居憂來傷人諄諄亦至老

親黨近卹庇昵君不常好九族悲素霰三良怨  
黃鳥邇朱白卽頰憂來傷人近縞潔必造

水漉理就濕火炎同歸燥賞契少能諧斷金斷  
可寶千計莫適從

當有憂來  
傷人四字

萬端信紛繞

巢林宐擇木結爻使心曉心曉形迹略略邇誰  
能了相逢旣若舊憂來傷人片言代紵縞

悲哉行二首

萋萋春草生王孫遊有情差池鷺始飛天裊桃  
柳一作始榮灼灼桃悅色飛飛鷺弄聲檐上雲結

陰澗下風吹清幽樹雖改觀終始在初生松蒿  
歡蔓延樛葛欣蘩榮眇然遊宦子悟言時未并  
臯感改朔氣眼一作傷變節榮佗條豈徒然澶  
緬一作湯絕音形風來不可託鳥去豈爲聽  
羈人感淑節緣感欲回次我行詎幾時萃實驟  
舒結覩實情有悲瞻萃意無悅覽物懷同志如  
何復乖別翩翩翔禽羅關關鳴鳥列翔禽常儔  
偶所嘆獨乖絕

長歌行

倏爍夕星流昱奕朝露團粲粲烏有停泫泫豈  
暫安徂齡速飛電頽節鶩驚湍覽物起悲緒顧  
已識憂端朽頹改鮮色悴容變柔顏變改苟催  
促容色烏盤栢疊疊衰期迫靡靡壯志闌旣慙  
臧孫慨復愧楊子歎寸陰果有逝尺素竟無觀  
幸賒道念戚且取長歌懽

君子有所思行

總駕越鍾陵還顧望京畿躑躅周名都遊目勸  
忘歸市鄜無阨一作夾室世族有高闈密親麗華

苑軒薨飾通達孰是金張樂諒由燕趙詩長夜  
恣酣飲窮年弄音徽盛往速露墜衰來疾風飛  
餘生不歡娛何以竟暮歸寂寥曲肱子瓢飲療  
朝飢所來自天性貧富豈相譏

### 會唵行

六引緩清唱三調佇繁音列筵皆靜寂咸共聆  
會唵會唵自有初請從文命敷敷績壺冀始刊  
木至江汜列宿炳天文負海橫地理連峯競千  
仞背流各百里漉池漑粳稻輕雲暖松杞兩京

愧佳麗三都豈能似層臺指中天高墉積崇雉  
飛燕躍廣途鷁首戲清止肆呈窈窕容路曜嬖  
娟子自來彌世代賢達不可紀句踐善廢興越  
叟識行止范蠡出江湖梅福入城市東方就旅  
逸梁鴻去桑梓牽綴書土風辭殫意未已

### 折楊柳行二首

鬱鬱河邊柳青青野田艸舍我故鄉客將適萬  
里道妻妾牽衣袂泣沾懷抱還拊幼童子顧  
托兄與嫂辭訣未及終巖駕一何早負笻引文

舟飢渴常不飽誰令爾貧賤咨嗟何所道  
騷屑出穴風揮霍見日雪颼颼無久搖皦皦幾  
時潔未覺泮春冰已復謝秋節空對尺素遷獨  
視寸陰滅否桑未易繫秦茅難重拔桑茅迭生  
運語默寄前哲

### 緩歌行

飛客結靈友凌空萃丹丘習習稊風起采采彤  
雲浮娥皇發湘浦宵明出河洲宛宛連螭轡裔

裔振龍輶

文苑  
作旋

### 日出東南隅行

柏梁冠南山桂宮耀北泉晨風拂檐幌朝日照  
閨軒美人臥屏席懷蘭秀瑤璠皎潔瓠松氣泚  
德春景暄

### 苦寒行

初學又載四句樵蘇無夙飲鑿冰  
煮朝餐悲矣采薇唱苦哉有餘酸

歲歲曾冰合

合一  
作食

紛紛霰雪落浮陽滅清暉寒

禽叫悲壑飢爨煙不興渴吸水枯涸

### 豫章行

短生旅長世恒覺白日歎覽鏡睨顏容華顏豈

久期苟無迴戈術坐觀落嶮巖

### 燕歌行

孟冬初寒節氣成悲風入閨霜依庭秋蟬噪柳  
驚棲楹念君行役怨邊城君何崎嶇久徂征豈  
無膏沐感鶴鳴對君不樂淚沾纓闥牕開幌弄  
秦箏調絃促柱多哀聲遙夜明月鑒帷屏誰知  
河漢淺且清展轉思服悲明星

### 上畱田行

薄遊出彼東道上畱田薄遊出彼東道上畱田

循聽一何轟轟上畱田澄川一何皎皎上畱田

悠哉邊矣征夫上畱田悠哉邊矣征夫上畱田

兩服上阪電電一作雷遊上畱田舫舟下游颺驅上

畱田此別既久無適上畱田此別既久無適上

畱田寸心繫在萬里上畱田尺素遵此千夕上

畱田秋冬迭相去就上畱田秋冬迭相去就上

畱田素雪紛紛鶴委上畱田清風颺颺入袖上

畱田歲云暮矣增憂上畱田歲云暮矣增憂上

畱田誠知運來詎抑上畱田熟視年往莫留上

留田

鞠歌行

德不孤兮必有鄰唱和之契冥相因譬如虬虎  
兮來風雲亦如形聲影響陳心懽賞今歲易淪  
隱玉藏彩疇識真叔牙顯夷吾親郢既歿匠寢  
斤覽古籍信伊人永言知己感良辰

順東西門行

出西門眺雲間揮斤抉木墜虞泉信道人鑒徂  
川思樂暫捨擔丕旋閱九九傷牛山宿心載違

徒昔言競落運務頽年招命儕好相追牽酌芳  
醕奏繁絃惜寸陰情固然

泰山吟

岱宗秀維嶽崔嵬刺雲天岵嶸既嶮巖觸石輒  
千眠登封瘞崇壇降禪藏肅然石閣何晦藹明  
堂祕靈篇

雜詩

述祖德二首

序曰大元中王父龕定淮南

徂謝君子道消拂衣蓋岳考卜東  
山事同樂生之時志期范蠡之舉



達人貴自我高情屬天雲兼抱濟物性而不纓  
垢氛段生蕃魏國展季救魯人弦高犒晉師仲  
連卻秦軍臨組乍不縲對珪室肯分惠物辭所  
賞勵志故絕人苕苕歷千載遙遙播清塵清塵  
竟誰嗣明哲垂經綸委講綴道論改服康世屯  
屯難既云康尊主隆斯民

中原咎零亂零亂豈解已崩騰永嘉末逼迫太  
元始河外無反正江介有蹙圯萬邦咸震懾橫  
流賴君子拯溺由道情龕暴資神理秦趙欣來

蘇燕魏遲文軌賢相謝世運遠圖因事止高揖  
七州外拂衣五湖裏隨山疏濬潭傍巖藝枌梓  
遺情捨塵物貞觀丘壑美

九日從宋公戲馬臺集送孔令

季秋邊朔苦旅鴈違霜雪淒淒陽卉腓皎皎寒  
潭潔良辰感聖心雲旗興暮節鳴葭戾朱宮蘭  
卮獻時哲餞宴光有孚和樂隆所缺在宥天下  
理吹萬羣方悅歸客逐海嶠脫冠謝朝列弭棹  
薄枉渚拍景待樂闌河流有急瀾浮驂無緩轍

豈伊川途念宿心愧將別彼美丘園道喟焉傷  
薄劣

鄰里相送至方山

祇役出皇邑拍期憩甌越解纜及流潮懷舊不  
能發析析就衰林皦皦明秋月含情易爲盈遇  
物難可歇積痾謝生慮寡欲罕所闕資此永幽  
棲豈伊年歲別各勉日新志音塵慰寂蔑

從游京口北固應詔

玉璽戒誠信黃屋示崇高事爲名教用道以神

理超昔聞汾水游今見塵外鑣鳴笳發春渚稅  
鑿登山榭張組眊倒景列筵矚歸潮遠巖映蘭  
薄白日麗江臯原隰萋綠柳墟囿散紅樾皇心  
美陽澤萬象咸允昭顧已枉維繫撫志慙場苗  
工拙各所宜終以反林巢曾是縈舊想覽物奏  
長謠

晚出西射堂

步出西城門遙望城西岑連障疊巘崿青翠杳  
澗沈曉霜楓葉丹夕曛嵐氣陰節往感不淺感

來念已深羈雌戀舊侶迷鳥懷故林含情尙勞  
愛如何離賞心撫鏡華緇鬢攬帶緩促衿安排  
徒空言幽獨賴鳴琴

登池上樓

潛虬媚幽姿飛鴻響遠音薄霄媿雲浮棲川作  
淵沈進德智所拙退畊力不任徇祿反窮海臥  
痾對空林衾枕昧節候褰開暫窺臨傾耳聆波  
瀾舉目眺嶠嶽初景華緒風新陽改故陰池塘  
生春草園林變鳴禽祁祁傷幽歌萋萋感楚吟

索居易永久離羣難處心持操豈獨古無悶徵  
在今

遊南亭

時竟夕澄霽雲歸日西馳密林含餘清遠峰隱  
半規久痲昏墊苦旅館眺郊歧澤蘭漸被逕芙  
蓉始發池未馱青春好已觀朱明移慊慊感物  
歎星星白髮坐藥餌情所止衰疾忽在斯逝將  
候秋水息景偃舊崖我志誰與亮賞心惟良知

遊赤石進帆海

昔夏猶清和芳草亦未歇水宿淹晨暮陰霞屢  
興沒周覽勸瀛壖况乃凌窮髮川后時安流天  
吳靜不發揚帆采石華挂席拾海月溟漲無端  
倪虛舟有超越仲連輕齊組子牟眷魏闕矜名  
道不足適已物可忽請附任公言終然謝天伐

石壁精舍還湖中作

昏旦變氣候山水含清暉清暉能娛人游子憺  
憺一作澹忘歸出谷日尚早入舟陽已微林壑斂暝  
色雲霞收夕霏芰荷迭映蔚蒲稗相因依披拂

趨南逕愉悅偃東扉慮澹物自輕意愜理無違  
寄言攝生客試用此道推

登石門最高頂

晨策尋絕壁夕息在  
山棲疏峯枕高館對  
頽臨迴溪長林羅戶  
穴積石擁階基連巖  
覺路塞密竹使徑迷  
來人忘新術去子惑  
故蹊活活夕流駛噉  
噉夜猿啼沈冥豈別  
理守道自不攜心契  
九秋榦目翫三春萸  
居常以待終處順故  
安排惜無同懷客共  
登青雲梯

於南山往北山經湖中瞻眺

朝旦發陽岨景落憩陰峯舍舟晚迴渚停策倚  
茂松側逕既窈窕環洲亦玲瓏俛視喬木杪仰  
聆大壑淙石橫水分流林密蹊絕蹤解作竟何  
感升長皆丰容初篁苞綠籜新蒲含紫茸海鷗  
戲春岸天鷄弄和風撫化心無厭覽物眷彌重  
不惜去人遠但恨莫與同孤遊非情歎賞廢理  
誰通

從斤竹澗越嶺溪行

猿鳴誠知曙谷幽允未顯巖下雲方合花上露  
猶泫透迤徬隈隩迢遞陟陁峴過澗旣厲急登  
棧亦陵緬川渚屢逕復乘流翫迴轉蘋萍泛沈  
深菰蒲冒清淺企石挹飛泉攀林摘葉卷想見  
山阿人薜蘿若在眼握蘭勤徒結折麻心莫展  
情用賞爲美事昧竟誰辨觀此遺物慮一悟得  
所遣

廬陵王墓下作

曉月發雲陽落日次朱方含悽泛廣川灑淚眺

連岡眷言懷君子沉痛切中腸道消結憤懣運  
開申悲涼神期恒若存德音初不忘徂謝易永  
久松柏森已行延州協心許楚老惜蘭芳解劍  
竟何及撫墳徒自傷平生疑若人通蔽互相妨  
理感深情慟定非識所將脆促良可哀天枉特  
兼常一隨往化滅安用空名揚舉聲泣已漉長  
歎不成章

還舊園作見顏范二中書

辭滿豈多秩謝病不待年偶與張邴合久欲還

東山聖靈昔迴眷微尚不及宣何意衝飈激烈  
火縱炎煙焚玉發崑峯餘燎遂見遷投沙理既  
迫如邛願亦愆長與懽愛別永絕平生緣浮舟  
千仞壑摠轡萬尋顛流沫不足險石林豈爲難  
閩中安可處日夜念歸旋事蹟兩如直心愜三  
避賢託身青雲上棲巖挹飛泉盛明盪氛昏貞  
休康屯遭殊方感成貸微物豫采甄感深操不  
固質弱易扳纏曾是反昔園語往實款然曩基  
卽先築故池不更穿果木有舊行壤石無遠延

雖非休憩地聊取永日閒衛生自有經息陰謝  
所牽夫子照情素探懷授往篇

入華子崗是麻源第三谷

南州實炎德桂樹陵寒山銅陵映碧澗石磴瀉  
紅泉既枉隱淪客亦棲肥遯賢險陁無測度天  
路非術阡遂登羣峰首邈若升雲煙羽人絕髣  
髴丹丘徒空筌圖牒復磨滅碑版誰聞傳莫辯  
百世後安知千載前且申獨往意乘月弄潺湲  
恒充俄頃用豈爲古今然

登臨海嶠初發疆中作與從弟惠連

杪秋尋遠山山遠行不近與子別山阿含酸赴  
修畛中流袂就判欲去情不忍顧望脰未脠汀  
曲舟已隱

隱汀絕望舟驚棹逐驚流欲抑一生歡并奔千  
里遊日落當棲薄繫纜臨江樓豈惟夕情斂憶  
爾共淹畱

淹畱管時歡復增今日歎茲情已分慮况迺協  
悲端秋泉鳴北澗哀猿響南巒戚戚新別心悽

悽久念攢

攢念攻別心旦發清溪陰暝投剡中宿明登天  
姥岑高高入雲霓還期邠可尋儻遇浮丘公長  
絕子徽音

入彭蠡湖口

客遊勸水宿風潮難具論洲島驟迴合圻岸屢  
崩奔乘月聽哀狔浥露馥芳蓀春晚綠楚秀巖  
高白雲屯千念集日夜萬感盈朝昏攀崖照石  
鏡牽葉入松門三江事多往九派理空存靈物

去珍怪異人祕精魂金膏滅明允水碧綴流溫  
徒作千里曲絃絕念彌散

酬從弟惠連

寢瘵謝人徒滅迹入雲峯巖壑寓耳目歡愛隔  
音容永絕賞心望長懷莫與同末路值令弟開  
顏披心胷

心胷旣云披意得咸在斯凌澗尋我室散帙問  
所知夕慮曉月流朝忌曛日馳悟對無厭歇聚  
散成分離



分離別西川迴景歸東山別時悲已甚別後情  
更延傾想遲嘉音果在濟江篇辛勤風波事款  
曲洲渚言

洲渚旣淹時風波子行遲務協華京想詎存空  
谷期猶復惠來章祇足攪余思儻若果歸言共  
陶暮春時

暮春雖未交仲春善遊遨山桃發紅萼野蕨漸  
紫苞嚶鳴已悅豫幽居猶鬱陶夢寐佇歸舟釋  
我吝與勞

永初三年七月十六日之郡初發都

述職期闌暑理棹變金素秋岸澄夕陰火旻團  
朝露辛苦誰爲情遊子值頽暮愛似莊念昔久  
敬曾存故如何懷土心持此謝遠度李牧愧長  
袖卻克慙躡步良時不見遺醜狀不成惡曰余  
亦支離依方早有慕生幸休明世親蒙英達顧  
空班趙氏璧徒乖魏王瓠從來漸二紀始得傍  
歸路將窮山海迹永絕賞心晤

過始寧墅

束髮懷耿介逐物遂推遷違志似如昨二紀及  
茲年緇磷謝清曠疲繭慙貞堅拙疾相倚薄還  
得靜者便剖竹守滄海枉帆過舊山山行窮登  
頓水涉盡洄沿巖峭嶺稠疊洲縈渚連縣白雲  
抱幽石綠篠媚清漣葺宇臨迴江築觀基曾顛  
揮手告鄉曲三載期歸旋且爲樹枌檟無令孤  
願言

富春渚

宵濟渙浦潭旦及富春部定山緬雲霧赤亭無

淹薄遡流觸驚急臨圻阻參錯亮乏伯昏分險  
過呂梁壑存至宜便習兼山貴止託平生協幽  
期淪躋困微弱久露干祿請始果遠游諾宿心  
漸申寫萬事俱零落懷抱旣昭曠外物徒龍蠖  
七里瀨二首

一瞬即七里箭馳猶是難檣邊委嵐翠枕底失  
風湍但訝猿鳥定不知霜月寒前賢竟何益此  
地誤垂竿

羈心積秋晨晨積展遊眺孤客傷逝湍徒旅苦

奔峭石淺水潺湲日落山照曜荒林紛沃若哀  
禽相叫嘯遭物悼遷斥存期得要妙既秉上皇  
心豈屑末代誚目睹巖子瀨想屬任公釣誰謂  
古今殊異代可同調

登江中孤嶼

江南勸歷覽江北曠周旋懷新道轉迴尋異景  
不延亂流趨正絕孤嶼媚中川雲日相輝映空  
水共澄鮮表靈物莫賞蘊貞誰爲傳想像崑山  
姿緬邈區中緣始信安期術得盡養生年

初去郡

彭薛裁知恥貢公未遺榮或可優貪競豈足稱  
達生伊予秉微尚拙訥謝浮名廬園當棲巖卑  
位代躬耕顧已雖自許心迹猶未并無庸妨周  
任有疾像長卿畢娶類尚子薄游似邴生恭承  
古人意促裝返柴荆牽絲及元興解龜在景平  
負心二十載於今廢將迎理棹遙還期遵渚鷺  
脩垞溯溪終水涉登頽始山行野曠沙岸淨天  
高秋月明憩石挹飛泉攀林蹇落英戰勝懼者

肥鑑止流歸停卽是義唐化獲我擊壤情

初發石首城

白珪尚可磨斯言易爲緇雖抱中孚爻猶勞貝  
錦詩寸心若不亮微命察如絲日月坐允景成  
貸遂兼茲出宿薄京畿晨裝搏會颶重經平生  
別再與芻知辭故山日已遠風波豈還時茗茗  
萬里帆茫茫終何之遊當羅浮行息必廬霍期  
越海陵三山遊湘歷九疑欽聖若旦暮懷賢亦  
悽其皦皦明發心不爲歲寒欺

道路憶山中

采菱調易急江南歌不緩楚人心昔絕越客腸  
今斷斷絕雖殊念俱爲歸慮款存鄉爾思積憶  
山我憤懣追尋栖息時偃卧任縱誕得性非外  
求自己爲誰篡不怨秋夕長常苦夏日短濯流  
激浮湍息陰倚密竿懷故叵新歡含悲忘春暝  
悽悽明月吹惻惻廣陵散殷勤訴危柱慷慨命  
促管

南樓中望所遲客

杳杳日西頽湯湯長路迫登樓爲誰思臨江遲  
來客與我別所期期在三五夕圓景早已滿佳  
人猶未適卽事怨睽攜感物方悽戚孟夏非長  
夜晦明如歲隔瑤華未堪折蘭若已屢擿路阻  
莫贈問云何慰離析搔首訪行人引領冀良覲

田南樹園激流植援

樵隱俱在山由來事不同不同非一事養痾丘  
園中中園屏氛雜清曠招遠風卜室倚北阜啟  
扉面南江激澗代汲井插槿當列墉羣木旣羅

戶衆山亦當牕靡迤趨下田迢遞瞰高峯寡欲  
不期勞卽事罕人功唯開蔣生徑永懷求羊蹤  
賞心不可忘妙善冀能同

齋中讀書

昔余遊京華未嘗廢丘壑矧乃歸山川心跡雙  
寂漠虛館絕諍訟空庭來鳥雀臥病豐暇豫翰  
墨時間作懷抱觀古今寢食展戲謔旣笑沮溺  
苦又哂子雲閣執戟亦以疲畊稼豈云樂萬事  
難竝歡達生幸可託

石門新營所住四面高山迴溪石瀨茂林

脩竹

躋險築幽居披雲臥石門苔滑誰能步葛弱豈  
可捫嫋嫋秋風過萋萋春草繁美人遊不還佳  
期何由啟芳塵凝瑤席清醕滿金罇洞庭空波  
瀾桂枝徒攀翻結念屬霄漢孤景莫與諉俯濯  
石下潭仰看條上猿早聞夕飈急晚見朝日暎  
崕傾光難留林深響易奔感往慮有復理來情  
無存庶持乘日車得以慰營魂匪爲衆人說冀

與智者論

命學士講書

臥病同淮陽宰邑曠武城弦歌媿言子清淨謝  
伏生古人不可攀何以報恩榮時往歲易周聿  
來政無成曾是展予心招學講羣經鑠金旣云  
刃凝土亦能鋤望爾志尚隆遠嗣竹箭聲敢謂  
荀氏訓且布蘭陵情待罪豈久期禮樂俟賢明

擬魏太子鄴中集詩

魏太子

謝康樂集 卷三  
建安末余時在鄴宮朝遊夕讌究歡愉之極  
天下良辰美景賞心樂事四者難并今昆弟  
友朋二三諸彥共盡之矣古來此娛書籍未  
見何者楚襄王時有宋玉唐景梁孝王時有  
鄒枚巖馬遊者美矣而其主不文漢武帝徐  
樂諸才備應對之能而雄猜多忌豈獲晤言  
之適不誣方將庶必賢於今日爾歲月如流  
零落將盡撰文懷人感往增愴其辭曰

百川赴巨海衆星環北辰照灼爛霄漢遙裔起

長津天地中橫潰家王拯生民區宇旣滌蕩群  
英必來臻忝此欽賢性由來常懷仁况值衆君  
子傾心隆日新論物靡浮說析理實敷陳羅縷  
豈闕辭窈窕究天人澄觴滿金罍連榻設華茵  
急絃動飛聽清歌拂梁塵何言相遇易此歡信  
可珍

王粲

家本秦川貴公子孫遭亂流寓自傷情多

幽厲昔崩亂相靈今板蕩伊洛旣燎煙函峯沒

無像整裝舜秦川秣馬赴楚壤沮漳自可美客  
心非外獎常歎詩人言式微何由往上宰奉皇  
靈侯伯咸宗長雲騎亂漢南宛郢皆埽盪排霧  
屬盛明披雲對清朗慶泰欲重疊公子特先賞  
不謂息肩願一旦值明兩竝載遊鄴京方舟汎  
河廣綢繆清讌娛寂寥梁棟響旣作長夜飲豈  
顧乘日養

陳琳

袁本初書記之士故述喪亂事多

皇漢逢迤邐天下遭氛慝董氏淪關西袁家擁  
河北單民易周章窘身就羈勒豈意事乖已永  
懷戀故園相公實勤王信能定螽賊復覩東都  
輝重見漢朝則餘生幸已多矧迺值明德愛客  
不告疲飲讌遺景刻夜聽極星爛朝遊窮曠黑  
哀哇動梁埃急觴盪幽默且盡一日娛莫知古  
來惑

徐幹

少無宦情有箕頰之心事故仕世多素辭



伊昔家臨淄提攜弄齊瑟置酒飲膠東淹留憩  
高密此歡謂可終外物始難畢搖蕩箕濮情窮  
年迫憂慄末塗幸休明棲集建薄質已免負薪  
苦仍游椒蘭室清論事究萬美話信非一行觴  
奏悲歌永夜繫白日華屋非蓬屨時髦豈余匹  
中飲顧昔心悵焉若有失

劉楨

卓犖偏人而文最有氣所得頗經奇  
貧居晏里閑少小長東平河充當衝輿淪飄薄

許京廣川無逆流招納厠羣英北度勅陽津南  
登紀郢城既覽古今事頗識治亂情歡及相解  
達敷奏究平生矧荷明哲顧知深覺命輕朝遊  
牛羊下暮坐括揭鳴終歲非一日傳卮弄新聲  
辰事既難諧懽願如今并唯羨肅肅翰續紛戾  
高冥

應瑒

汝潁之士流離壻故頗有飄薄之嘆  
嗷嗷雲中雁舉翮自委羽求涼弱水滄違寒長

沙渚顧我梁川時緩步集潁許一旦逢世難淪  
薄恒羈旅天下昔未定託身早得所官渡厠一  
卒烏林顛難阻晚節值衆賢會同庇天宇別坐  
廕華棖金罇盈清醕始奏延露曲繼以闌夕語  
調笑輒爾荅嘲謔無慙沮傾軀無遺慮在心良  
已敘

阮瑀

管書記之任故有優渥之言

河洲多沙塵風悲黃雲起金羈相馳逐聯翩何

窮已慶雲惠優渥微薄攀多士念管渤海時南  
皮戲清止今復河曲遊鳴篴汎蘭汜躡步陵丹  
梯竝坐侍君子妍譚既愉心哀弄弄一作音信睦耳  
傾醕係芳醕酌言豈終始自從食萍來唯見今  
日美

平原侯植

公子不及世事但美遨遊然頗有憂生之嗟  
朝遊登鳳閣日暮集華沼傾柯引弱枝攀條摘  
蕙草徙倚窮騁望目極盡所討西顧太行山北

眈邯鄲道平衢脩且直白楊信裊裊副君命飲  
宴歡娛寫懷抱良遊匪晝夜豈云晚與早衆賓  
悉精妙清辭灑蘭藻哀音下迴鵠餘哇徹清昊  
中山不知醉飲惠方覺飽願以黃髮期養生念  
將老

白石巖下徑行田

小邑居易貧災年民無生知淺思不周憂深憂  
在情莓薺橫海外蕪穢積頽齡饑饉不可久甘  
心務經營千頃帶遠堤萬里瀉長汀州流洄澮

合連統塍埒并雖非楚宮化荒闕亦勅萌雖非  
鄭白渠每歲望東京天鑒儻不孤來茲驗微誠

過瞿溪山飯僧

迎旭凌絕嶝映沄歸激浦鑽燧斷山木拚岸墜  
石戶結架非丹甍籊田資宿莽同游息心客矚  
熒若可睹清霄颺浮煙空林響灑鼓忘懷狎鷗  
鯁攝生馴兕虎望嶺眷靈鷲延心念淨土若乘  
四等觀永拔三界苦

歲暮

殷憂不能寐苦此夜難積明月照積雪朔風勁  
且哀運往無淹物年逝覺易催

彭城宮中直感歲暮

草草眷物徂契契矜歲殫楚豔起行戚吳趨絕  
歸懽修帶緩舊裳素鬢改朱顏晚暮悲獨坐鳴  
鴉歇苔蘭

詠冬

七宿乘運曜三星與時滅履霜冰彌堅積寒風  
愈切繁雲起重陰迴飈流輕雪園林粲斐皓庭  
除秀皎潔墀瑣有凝汗達衢無通轍

三月三日侍宴西池

四言

詳觀記牒鴻荒莫傳降及雲鳥曰聖剗天虞承  
唐命周襲商艱江之永矣皇心惟眷矧迺暮春  
時物芳衍濫觴逶迤周流蘭殿禮備朝容樂闋  
夕宴

七夕詠牛女

火逝首秋節明經弦月夕月弦光照戶烁首風  
入隙陵風步會岑憑雲肆遙脈徙倚西北庭竦

踴東南覲紈綺無報章河漢有駮軌

登廬山絕頂望諸嶠

積峽忽復啓平塗俄已閑巒隴有合沓往來無  
蹤轍晝夜蔽日月冬夏共霜雪

石門巖上宿

詩紀作夜宿石門

朝搴苑中蘭畏彼霜下歇暝還雲際宿弄此石  
上月鳥鳴識夜棲木落知穉發異音同致聽殊  
響俱清越妙物莫爲賞芳醕誰與伐美人竟不  
來陽阿徒晞髮

入東道路

整駕辭金門命旅惟詰朝懷居顧歸雲指塗沂  
行飈屬值清明節榮華感和韶陵隰繁綠杞墟  
囿粲紅桃嘒嘒翬方雒織織麥垂苗隱軫邑里  
密緬邈江海遼滿目皆古事心賞賢所高魯連  
謝千金延州權去朝行路旣經見願言寄吟謠

夜發石關亭

隨山踰千里浮溪將十夕鳥歸息舟楫星闌命  
行役亭亭曉月映泠泠朝露滴

初發入南城

弄波不輟手玩景豈停目雖未登雲峯且以歡  
水宿

郡東山望溟海

開春獻初歲白日出悠悠蕩志將愉樂瞰海庶  
忘憂策馬步蘭臯控縹息椒丘採蕙遵大薄蹇  
若履長洲白華縞陽林紫葩曄春流非徒不弭  
忘覽物情彌適護蘇始无畏寂寞終可求

初往新安至桐廬口

絺綌雖淒其授衣尚未至感節良已深懷古徒  
役思不有千里棹孰申百代意遠協尚子心遙  
得許生計既及冷風善又卽秋水駛江山共閒  
曠雲日相照媚景夕羣物清對玩咸可喜

離合詩

古人怨信次十日眇未央加我懷繾綣口詠情  
亦傷劇哉歸遊客處子勿相忘

石壁立招提精舍

四城有頓躓三壑無極已浮歡昧眼前沈照貫

終始壯齡緩前期頽季迫暮齒揮霍夢幻頃飄  
忽風電起良緣迨未謝肯逝不可俟敬擬靈鷲  
山尚想祇洹軌絕潘飛庭前高林映牕裏禪室  
栖空觀講宇析妙理

種桑

誣人陳條柯亦有美攘剔前修爲誰故後事資  
紡績常佩智方誠媿微富教益浮陽驚嘉月藝  
桑迨閒隙疎欄發近郭長行達廣場曠流始蕊  
泉酒塗猶跬跡俾此將長成慰我海外役

淨土詠

法藏長王宮懷道出國城願言四十八弘誓拯  
羣生淨土一何妙來者皆菁英頽言安可寄乘  
化必晨征

登永嘉綠嶂山

裹糧杖輕拏懷遲上幽室行源徑轉遠距陸情  
未畢澹瀲結寒姿團欒潤霜質澗委水屢迷林  
迴巖逾密眷西謂初月顧東疑落日殘夕奄昏  
曙蔽翳皆周悉壘上賚不事履二美貞吉幽人

常坦步高尚邈難匹頤阿竟何端寂寂寄抱一  
恬如既已交繕性自此出

遊嶺門山

西京誰修政龔汲稱良吏君子豈定所清塵慮  
不嗣早莅建德鄉民懷虞芮意海岸常寥寥空  
館盈清思協以上冬月晨遊肆所喜千圻邈不  
同萬嶺狀皆異威摧三山峭滄汨兩江駛渙舟  
豈安流樵拾謝西芑人生誰云樂貴不屈所志

石室山

清旦索幽異放舟越垆郊莓莓蘭渚急藟藟苔  
頽高石室冠林陬飛泉發山椒虛泛徑千載崢  
嶸非一朝鄉邨絕聞見樵蕘限風霄微戎無遠  
覽總筭羨升喬靈域久韜隱如與心賞交合歡  
不容言摘芳弄寒條

登上戍石鼓山

旅人心長久憂憂自相接故鄉路遙遠川陸不  
可涉汨汨莫與娛發春托登躡歡願既無竝戚  
慮庶有協極目睠左闕迴顧眺右狹日沒澗增



波雲生嶺逾疊白芷競新茗綠蘋齊初葉摘芳  
芳靡諼愉樂樂不變佳期緬無像騁望誰云愜  
發歸瀨三瀑布望兩溪

我行乘日垂放舟候月圓沫江免風濤涉清弄  
漪漣積石竦兩溪飛泉倒三山亦旣窮登陟荒  
藹橫目前窺巖不覩景披林豈見天陽烏尚傾  
翰幽篁未爲遭退尋平常時安知巢穴難風雨  
非攸恡擁志誰與宣倘有同枝條此日卽千年  
過白岸亭

拂衣遵沙垣緩步入蓬屋近澗涓密石遠山暎  
疎木空翠難強名漁釣易爲曲援蘿聆青崖春  
心自相屬交交止栩黃啣啣食萍鹿傷彼人百  
哀嘉爾承筐樂榮悴迭去來窮通成休感未若  
長疎散萬事恒抱朴

行田登海口盤嶼山

羈苦孰云慰觀海藉朝風莫辨洪波極誰知大  
壑東依稀採菱歌彷彿含嘖容遨遊碧沙渚遊  
衍丹山峯

荅謝惠連

懷人行千里我勞盈十旬別時花灼灼別後葉  
萋萋

東陽溪中贈荅

可憐誰家婦緣流洒

古洗字

素足明月在雲間迢

迢不可得可憐誰家郎緣流乘素舸但問情若  
何月就雲中墮

臨川被収

韓亾子房奮秦帝魯連恥本自江海人忠義感

君子

臨終詩

龔勝無遺生季業有窮盡嵇叟理既迫霍子命  
亦殞悽悽後霜柏納納御風菌邂逅竟無時修  
短非所愍恨我君子志不得巖上泯送心正覺  
前斯痛久已忍唯願乘來生怨親同心朕

荅謝惠連

懷人行千里我勞盈十旬別時花灼灼別後葉  
萋萋

東陽溪中贈荅

可憐誰家婦緣流洒

古洗字

素足明月在雲間迢

迢不可得可憐誰家郎緣流乘素舸但問情若  
何月就雲中墮

臨川被収

韓亾子房奮秦帝魯連恥本自江海人忠義感

君子

臨終詩

龔勝無遺生季業有窮盡嵇叟理既迫霍子命  
亦殞悽悽後霜柏納納御風菌邂逅竟無時修  
短非所愍恨我君子志不得巖上泯送心正覺  
前斯痛久已忍唯願乘來生怨親同心朕

謝康樂集卷之三

謝康樂集卷之四

表

謝封康樂侯表

昔強氏暴虐恃僭曆紀既噬五都志吞六合遂  
陷沒西河傾覆南瀼凌藉紀郢跨越淮泗于時  
策盡惟疑地險已謝咸愍君臣同泯有生無餘  
亡祖奉國威靈董符戎重盡心所事剋黜禍亂  
功參盤鼎胙土南服逮至臣身值遭泰路日月  
改暉榮落代運輸稅唐化生幸無已不悟天道

錫生

謝康樂集卷之三

謝康樂集卷之四

表

謝封康樂侯表

昔強氏暴虐恃僭曆紀既噬五都志吞六合遂  
陷沒西河傾覆南漢凌藉紀郢跨越淮泗于時  
策盡惟疑地險已謝咸思君臣同泯有生無餘  
亡祖奉國威靈董符戎重盡心所事剋黜禍亂  
功參盤鼎胙土南服逮至臣身值遭泰路日月  
改暉榮落代運輸稅唐化生幸無已不悟天道

錫生

下濟鴻均曲成迺眷遐績式是興微分虎鈿龜  
復顯茅土鳴玉拖紱班景元勛澤洽往德恩覃  
來胤永惟先蹤遠感崩結豈臣尪弱所當忝承  
臣聞至公無私甄善剔一皇恩遠被殊代可侔  
是以信陵之賢簡在高祖之心望諸之道復獲  
隆漢之封觀史歎古欽茲盛美豈謂榮渥近霑  
微躬傾宗殞元心識其會酌恩荅厚罔知所由

詣闕上表

臣自抱疾歸山于今三載居非郊部事乖人間

幽棲窮巖外緣兩絕守分養命庶畢餘年忽以  
去月二十八日得會稽太守臣顓二十七日疏  
云比日異論嚙啗此雖相了百姓不許寂默今  
微爲其防披疏駭惋不解所由便星言奔馳歸  
骨陛下及經山陰防衛彰赫彭排馬槍斷截衢  
巷偵邏縱橫戈甲竟道不知微臣罪爲何事及  
見顓雖曰見亮而裝防如此唯有罔懼臣昔忝  
近侍豫蒙天恩若其罪迹炳明文字有證非但  
顯戮司敗以正國典普天之下自無容身之地

今虛聲爲罪何酷如之夫自古讒誦聖賢不免  
然致誦之來嬰有由趣或輕死重氣結黨聚羣  
或勇冠鄉邦劍客馳逐未聞俎豆之學欲爲逆  
節之臯山棲之士而構陵上之豐今影迹無端  
假誦空設終古之酷未之或有匪忝其生實悲  
其痛誠復內省不疚而抱理莫申是以牽曳疾  
病束骸歸欵仰憑陛下天鑒曲臨則歿之日猶  
生之年也臣憂怖彌日羸疾發動尸存恍惚不  
知所陳

書

勸伐河北書

自中原喪亂百有餘年流離寇戎湮沒殊類先  
帝聰明神武哀濟羣生將欲盪定趙魏大同文  
軌使久凋反於正化偏俗歸於華風運謝事乖  
理違願絕仰德抱悲恨存生盡况陵塋未幾凶  
虜伺隙預在有識誰不憤歎而景平執事竝非  
其才且邁紛京師豈慮託付遂使孤城窮陷莫  
肯拯忠烈囚朔漠縣河三千翻爲寇有晚遣鎮

戎皆先朝之所開拓一旦淪亡此國恥宜雪被  
於近事者也又北境自染逆虜窮苦備罹徵調  
賦斂靡有止已所求不獲輒致誅殞身禍家破  
闔門比屋此亦仁者所謂傷心者也咸云西虜  
舍末遠師隴外東虜乘虛呼可掩襲西軍既反  
得據關中長圍咸陽還路已絕雖遣救援停住  
河東遂乃遠討天城欲爲首尾而西寇淡山重  
阻根本自固徒棄巢窟未足相拯師老於外國  
虛於內時來之會莫復過此觀兵耀威實在茲

日若相持未已或生事變忽值新起之衆則異  
於今苟乖其時難爲經略雖兵食倍多則萬全  
無必矣又歷觀前代類以兼弱爲本古今聖惠  
未之或殊豈不以天時人事理數相得興亡之  
度定期居然故古人云旣見天殃又見人災乃  
可以謀管魏氏之疆平定荆冀乃乘袁劉之弱  
晉氏之盛拓開吳蜀亦因葛陸之衰此皆前世  
成事著於史策者也自羌平之後天下亦謂虜  
當俱滅長驅滑臺席卷下城奪氣喪魄指日就



盡但長安違律潼關失守用緩天誅假延歲月  
日來至今十有二載是謂一紀曩有前言況五  
胡代數齊世虜期餘命盡於來年自相攻代兩  
取其困卞莊之形驗之今役仰望聖澤有若飢  
渴注心南雲爲日已久來蘇之冀實歸聖明此  
而弗乘後則未兆即日府藏誠無兼儲然凡造  
大事待國富兵彊不必乘會於我爲易責在得  
時器械旣充衆力粗足方於前後乃當有優常  
議損益久證冀州口數百萬有餘田賦之沃著

自貢典先才經創基趾猶存澄流引源桑麻蔽  
野彊富之實昭然可知爲國長久之計孰若一  
往之費邪或懲關西之敗而謂河北難守二境  
形勢表裏不同關西雜居種類不一咎在前漢  
屯軍霸上通火甘泉況乃遠戍之軍值新故交  
代之際者乎河北悉是舊戶差無雜人連額判  
阻三關作隘若遊騎長驅則沙漠風靡若嚴兵  
守塞則冀方山固晉隴西傷破鼃錯興言匈奴  
慢侮賈誼憤歎方於今日皆爲賒矣晉武中主

耳值孫皓虐亂天祚其德亦由鉅平奉策荀賈  
折謀故能業崇當年區于一統况今陛下聰明  
聖哲天下歸仁文德與武功竝震霜威共素風  
俱舉協以宰輔賢明諸王美令岳牧宣烈虎臣  
盈朝而天威遠命亦何敵不滅矧伊頑虜假日  
而已哉伏惟深機志務久定神謨臣卑賤側陋  
竄景巖穴實仰希太平之道傾覩岱宗之封雖  
乏相如之筆庶免史談之憤以此謝病京師萬  
無恨矣久欲上陳懼在觸置蒙賜恩假暫違禁

省消渴十年常慮朝露抱此愚志昧死以聞

荅范特進二首

辱告慰企晚寒體中勝常靈運脚諸疾此春更  
甚憂慮故人有情信如來告企詠之結實過飢  
渴山澗幽阻音塵闊絕忽見諸讚歎慰良多可  
謂俗外之詠尋覽三復味翫增懷輒奉和如別  
雖詞不足睹然意寄盡此從弟惠連後進文悟  
衰宗之美亦有一首并以遠呈

又

承祗洹法業日茂隨喜何極六梁徽緣竊望不  
絕即時經始招提在所住山南南檐臨澗北戶  
背巖以此息心當無所忝邪平生緬然臨紙累  
歎敬惜爲先繼以音告倘值行李輒復承問三  
月一日謝靈運白

荅綱琳二法師

披覽隻難欣若暫對藻豐論博蔚然滿目可謂  
勝人之口然未厭於心聊伸前意無由言對執  
筆長懷

與廬陵王義真

會稽旣豐山水是以江左嘉遯竝多居之但季  
世慕榮幽栖者寡或復才爲時求弗獲從志至  
若王弘之拂衣歸耕踰歷三紀孔淳之隱約窮  
岫自始迄今阮萬齡辭事就閒纂成先業浙河  
之外栖遲山澤如斯而已旣遠同義唐亦激貪  
厲競殿下愛素好古常若布衣每意管聞虛想  
巖穴若遺一介有以相存真可謂千載盛美也

與弟二首

聞惡道谿中九十九里有五十九灘王右軍遊此惡道歎其奇絕遂書突星瀨於石

又

前月十二日至永嘉郡蠣不如鄞縣車螯亦不如北海

志

### 遊名山志

夫衣食生之所資山水性之所適今滯所資之累擁其所適之性耳俗議多云歡足本在華堂

枕嵒漱流者乏於大志故保其枯槁余謂不然君子有愛物之情有救物之能橫流之弊非才不治故有屈己以濟彼豈以名利之場賢於清曠之域耶語萬乘則鼎湖有縱轡論儲貳則嵩山有絕控又陶朱高揖越相畱侯願辭漢傳推此而言可以明矣 破石溪南二百餘里又有石帆修廣與破石等度質色亦同傳云古有人以破石之半爲石帆故名彼爲石帆此名破石永寧安固二縣中路東南便是赤石又枕海

巫湖三面悉高山枕水渚山溪澗凡有五處南  
第一谷今在所謂石壁精舍 石門澗六處石  
門溯水上入兩山口兩邊石壁右邊石巖下臨  
澗水 神子溪南山與七里山分流去斤竹澗  
數里 華子岡麻山第三谷故老相傳華子期  
者祿里先生弟子翔集此頂故華子為稱也  
桂林頂遠則嵒尖疆中 從臨江樓步路南上  
二里餘左望湖中右傍長江 始寧又北轉一汀  
十里直指舍下園南門樓自南樓百步許對橫山

### 贊

#### 王子晉贊

泚質非不麗難以之百年儲宮非不覺豈若登  
雲天王子愛清淨區中寔踟誼冀見浮丘公與  
爾共續翻

#### 衡山巖下見一老翁四五少年贊

衡山採藥人路迷糧亦絕過息巖下坐正見相  
對說一老四五少仙隱不可別其書非世教其  
人必賢哲

維摩經十譬贊

聚沫泡合

水性本無泡激流遂聚沫卽異成狀須消散歸  
虛壑君子識根本安事勞與奪愚俗駭變化橫  
復生欣怛

燄

性內相表狀非炎安知火新新相推移熒熒非  
向我如何滯著人終歲迷因果

芭蕉

生分本多端芭蕉知不一含萼不結核敷華何  
由實至人善取譬無宰誰能律莫昵緣合時當  
視分散日

聚幻

幻工作同異誰復謂非真一從逝物過既往亦  
何陳謬者疑久近達者皆自賓勿起離合情會  
無百代人

夢

覺謂寢無知寐中非無見意狀盈眼前好惡迭

迷一作萬變既悟眇已往惜為浮物戀孰視婆娑  
盡寧當非赤縣

影響合

影響順形聲資物故生理一旦揮霍去何因相  
像一作得象似羣有靡不然昧漠乎自己四色尚無  
本八微欲安恃

浮雲

泛濫明月陰蒼蔚南山雨能為變動用在我竟  
無取俄已就飛散豈復得攢聚諸法既無我何

由有我所

電

倏爍驚電過可見不可逐恒物生滅後誰復覈  
遲速慎勿空雷念橫便神理忽發已道易字忘  
情長之福

侍汎舟贊

汎鷁兮遊蘭池渚相委兮石參差日隱雲兮月  
照林風遼冷兮水漣漪

誄

宋武帝誄

九有同悲四海等哀矧伊下臣思戀徘徊敢遵前典式述聖徽乃作誄曰

舜潛歷巖高晦泗渚龍息而隱風積乃舉皇之道垂屯難方阻眷此區寰閔爾淪胥太平之季權戚攜薄隆安之初主相蒙弱嶽牧糾虔朝廷紛錯妖橫乘隙蛟噴鯨躍既擾奧區遂奔帝塵亂離斯瘼不後不先寔賴明哲授手康旃紀度迴薄餘分成閏舊晉中微僞楚籍釁躡彼潛機

整此英陣推亡必朽固存斯振盧循負險肆慝遐嶺殄我江豫迫我臺省民既搖蕩國將遷鼎乘騶歸轅式固皇境弘危濟險弭難釋殆虎騎驚隰舟師漲海傾穴尋窠窮幽測昧昔去洛汭息肩江沚世受十君年踰百祀國絕興復家成桑梓荒默莫恤頹圉誰恥夏典載禹九道是行商誥述湯兼攻是并勤彼周流協此經營仗鉞伐鼓赫赫明明乃敕衆師竟執戎昭誨以三略惠以六韜雲撤周京席卷秦郊復禮前坐雪愧



舊朝旣清西關將旋東道中憩徐豫兼應燕趙  
業盛曩代惠侔大造澤及四海功格八表悠悠  
聲教縣縣川陸北獻氈裘南貢金竹髻首冠弁  
寧曾斂服寒宥欣日巢栖玩屋匪惟遐譚靈物  
偕就訊是人事自天所祐甘露芝艸祥雲瑞宿  
嘉禾連木素鳥皓獸昔之所感謳頌同音今之  
所應幽顯一心宋克虞德晉猶唐欽曰總八紘  
于茲三齡四維開張九流昭明敦儉務素欽賢  
慶萌制規作訓闡校脩經禮樂已甄雲雨未弘

將陟井陘薄掃白登北朔渴望飛旌衡輶東岱  
靈遲玉牒金滕天地不仁蒼生寡福已荷一遇  
棄我何速梁顛太頽甘殞以贖同軌畢至率土  
咸哀殊方均服樂樂素縗灑淚成雨響叫如雷  
史臣考卜高山開基貞龜無遠遷靈有期享皇  
擬標羣后崩悲孰云不戚痛百在茲惟祖之夕  
流火始變秋月未永飛漏急箭鳴簫哀噉金觴  
虛奠列駕長隧發輦華殿華殿旣謝長隧是幸  
覆蓋躑躅六閑引領攀援容貌眷戀俄頃哀哀

百僚長辭含鯁奉教百朝執鞭王始從履五牧  
年歷十祀天宥下濟謬蒙眷齒愧微刀筆頗預  
遊止垂幕侍講接筵餐理修曙朗夕登臺泛沼  
匪月匪日無晏無早如何一旦緬邈穹昊微容  
未遠聖靈超然收淚卽路含戚何言風霜蕭瑟  
山海蒼茫地苦情矜節速心傷孰是幽哀實戀  
我皇情思如環護蘇豈忘

宋廬陵王誄

事非淮南而痛深於中霧迹非任城而暴甚於

仰毒託體皇極銜怨至盡豈惟有識傷慨故亦  
率土悽心益出罔已之悲以陳酸切之事云爾  
誄曰

哀哀君王終仁且德在枉無言卽臯有默曾是  
忍虐古來一酷身微咎累痛踰醜毒何斯禍斯  
乃怨乃辱命如可延人百其贖矜急景之難留  
悼驚波之易淪自君王之冥漠歷彌稔於此萑  
聆鳴禽之響谷視喬木之（缺一）雲咸感節而興  
悅獨懷悲而莫申候射隼于高墉赫王典以正

刑服二辜于北犴致九伐于南荆發酸痛于仁  
詔令寵贈于哀心布悽楚于帝言攄綢繆于皇  
音

曇隆法師誄

夫協理置論百家未見其是因心自了一已不  
患其躓而終莫相辨我若咸歎翻淪得拔竟知  
于誰冀行跡立剿善惡靡徵欲聲名傳則薰蕕  
同歇然意非身之所挫期出命之所限者目所  
親覲見之若人矣慧心朗識發于髫髻生自稟

華家羸金帛加以巧乘騎解絲竹秣絕景于康  
衢弄絃管於華肆者非徒經旬涉朔彌歷年稔  
而已諒趙李之咸陽程鄭之臨邛矣既而永夜  
獸悟中飲興歎曰悲夫欣厭迭來終歸憂苦不  
杜其根於何超絕且三界迴沈諸天倏瞬况齊  
景牛山趙武企陰催促節物逼迫霜露推此願  
言伊何能久慨然有擯落榮華兼濟物我之志  
母氏矜其心姊弟申其操遂相許諾出家求道  
一身既然闔門離世妻子長絕歡娛永謝豈唯

請願集卷四  
刑服二辜于北犴致九伐于南荆發酸痛于仁  
詔令寵贈于哀心布悽楚于帝言攄綢繆于皇  
音

曇隆法師誄

夫協理置論百家未見其是因心自了一已不  
患其蹟而終莫相辨我若咸歎翻淪得拔竟知  
于誰冀行跡立馴善惡靡徵欲聲名傳則薰蕕  
同歇然意非身之所挫期出命之所限者目所  
親覲見之若人矣慧心朗識發于髫髻辨生自稟

華家羸金帛加以巧乘騎解絲竹秣絕景于康  
衢弄絃管於華肆者非徒經旬涉朔彌歷年稔  
而已諒趙李之咸陽程鄭之臨邛矣既而永夜  
歎悟中飲興歎曰悲夫欣厭迭來終歸憂苦不  
杜其根於何超絕且三界迴沈諸天倏瞬况齊  
景牛山趙武企陰催促節物逼迫霜露推此願  
言伊何能久慨然有擯落榮華兼濟物我之志  
母氏矜其心姊弟申其操遂相許諾出家求道  
一身既然闔門離世妻子長絕歡娛永謝豈唯

向之靡樂判之盛年終古恩愛於今此別矣旅  
舟南適投景廬嶽一登石門香鑪峯六年不下  
嶺僧衆不堪其操法師不改其節援物之念不  
以幽居自抗同學嬰疾振錫萬里相救余時謝  
病東山承風遙羨豈望人期頗以山招法師至  
止鄙人榮役前詩敘粗已記之故不重煩及中  
間反山成說款盡遂獲接棟重崖俱浥迴澗茹  
芝朮而共餌披法言而同卷者再歷寒暑非直  
山陽靡喜愠之容令尹一進已之色實明悟幽

微祛滌近滯蕩吝澡垢日忘其疾庶白首同居  
而乖離無象信順莫歸徵集何緣晚節罹豐遠  
見參尋至止阻闊音塵殆絕值暑邁疾未旬即  
化誠存亡命也此行頗實有由承凶感痛寔百  
常情紙墨幾時非以斯名益欽志節追感平生  
自不能默已故投懷援筆其辭曰

仰尋形識俯探理類採聲知律拔茅觀彙物以  
靈異人以智賢即是神明觀鑒意謂爰初在稚  
慧心夙察吐喻芳華懷抱日月如彼蘭苑風過

向之靡樂判之盛年終古恩愛於今此別矣旅  
舟南溯投景廬嶽一登石門香鑪峯六年不下  
嶺僧衆不堪其操法師不改其節援物之念不  
以幽居自抗同學嬰疾振錫萬里相救余時謝  
病東山承風遙羨豈望人期頗以山招法師至  
止鄙人榮役前詩敘粗已記之故不重煩及中  
間反山成說款盡遂獲接棟重崖俱滉迴澗茹  
芝朮而共餌披法言而同卷者再歷寒暑非直  
山陽靡喜愠之容令尹一進已之色實明悟幽

微祛滌近滯蕩吝澡垢日忘其疾庶白首同居  
而乖離無象信順莫歸徵集何緣晚節罹豐遠  
見參尋至止阻闊音塵殆絕值暑邁疾未旬即  
化誠存亡命也此行頗實有由承凶感痛寔百  
常情紙墨幾時非以斯名蓋欽志節追感平生  
自不能默已故投懷援筆其辭曰

仰尋形識俯探理類採聲知律拔茅觀彙物以  
靈異人以智賈即是神明觀鑒意謂爰初在稚  
慧心夙察吐喻芳華懷抱日月如彼蘭苑風過

氣越如彼天倪雲被光發求名約身規操束已  
儻或遇世曾未近似生以意奉意管生理孰是  
歡慰程鄭趙李家畜金繒才練藝技驤首揮霍  
繁絃綺靡酒娛調足意妍服侈朝迫景曛夕忌  
星徙悠悠白日淒淒良夜年往歡流厭來情舍  
苦樂環迴終卒代謝棄而更適生速名備誰能  
易奪何術推移精粗渾淆善惡參差即心有限  
在理莫規試覈衆肆庶獲所窺道家躋近羣流  
缺遠假名恒誰傍義豈反獨有兼忘因心馴善

傷物沈迷羨彼驅遣變服京師振錫廬頂長別  
榮冀永息幽嶺舍華襲素去繁就省人苦其難  
子取其靜昏之視明即愚成絕智之秉情對理  
斯涅吝既弗祛滯亦安拔子之矜之爲爾苦節  
節苦在已利貞存彼以明闇逝以慈累徒欲以  
援物先空濟此發軫情違終然理是梁鴻攜妻  
荷蓀見子雞黍接人行歌通已於世曰高於道  
殊鄙始見法師獨絕神理形壽易盡然諾難判  
乘心即化棄身靡歎懷道靡厲景命已晏矜物

辭山終身旅館嗚呼哀哉魂氣隨之延陵已了  
鳶鷂同施漆園所曉委骸空野豈異豈矯幸有  
遺餘聊給蟲鳥嗚呼哀哉緬念生平同幽共溪  
相率經始借是登臨開石通澗剔柯疏林遠眺  
重疊近矚峴嶽事寡地閑尋微探蹟何句不研  
奚疑弗析帙舒軸卷藏拔紙襞問來蒼往俾日  
餘夕沮溺耦耕夷齊同薇跡同心歡事異意違  
承疾懷灼聞凶懣悲孰云不痛零淚霑衣嗚呼  
哀哉行久節移地邊氣改終秋中冬踰桂投海

永念伊人思深情倍俯謝常人仰愧無待嗚呼  
哀哉

廬山慧遠法師誄

道存一致故異化同暉德合理妙故殊方齊致  
咎釋安公振玄風于關右法師嗣洙流于江左  
聞風而悅四海同歸爾乃懷仁山林隱居求志  
于是衆僧雲集勤脩淨行同澆餐風棲遲道門  
可謂五百之季仰舍衛之風廬山之嶺俯傳靈  
鷲之旨洋洋乎未曾聞也予志學之年希門人



之末惜哉誠願弗遂永違此查春秋八十有四  
義熙十三年秋八月六日薨年踰縱心功遂身  
亾有始斯終千載垂允嗚呼哀哉乃爲誄曰  
於昔安公道風允被大法將盡頽綱是寄體靜  
息動懷貞整僞事師以孝養徒以義仰弘如來  
宣揚法雨俯受法師威儀允舉學不闕牖鑒不  
出戶粳糧雖御獸爲萇楚朗朗高堂肅肅法庭  
旣嚴旣靜愈高愈清從容音旨優游儀形廣演  
慈悲饒益衆生堂堂其氣疊疊其資鬚角味道

辭親隨師供奉三寶析微辨疑盛化濟濟仁德  
怡怡於焉問道四海承風有心載馳戒德鞠躬  
令聲續振五濁暫隆弘道讚揚彌虛彌冲十六  
王子孺童先覺公之出家年未志學如彼鄧林  
甘露潤澤如彼瓊瑤旣磨旣琢大宗戾止座衆  
龍集聿來胥宇靈寺奚立舊望研幾新學時習  
公之勗之載和載輯乃修什公宗望交泰乃延  
禪衆親承三昧衆美合沅可上可大穆穆道德  
超于利害六合俱否山崩海竭日月沈暉三光

寢晰衆麓摧柯連波中結鴻化垂緒微風永滅  
嗚呼哀哉生盡冲素死增傷悽單縶土槨示同  
斂骸人天感悴帝釋慟懷習習遺風依依餘淒  
悲夫法師終然是棲室無停嚮途有廣蹊嗚呼  
哀哉端木喪尼哀直六年仰慕洙泗俯憚躬筌  
今子門徒實同斯躅晨埽虛房夕泣空山嗚呼  
法師何時復還風嘯竹柏雲靄巖峯川壑如泣  
山林改容自咎聞風志願歸依山川路邈心往  
形違始終銜恨宿緣輕微安養有寄閭浮無希

嗚呼哀哉

銘

書帙銘

懷幽卷蹟戢紗抱密用舍以造舒卷不失亮惟  
勤玩無或暇逸

頌

無量壽佛頌

法藏長王宮懷道出國城願言四十八弘誓拯  
羣生淨土一何妙來者皆清英頽年欲安寄乘

寢晰衆麓摧柯連波中結鴻化垂緒微風永滅  
嗚呼哀哉生盡冲素死增傷悽單縶土槨示同  
斂骸人天感悴帝釋慟懷習習遺風依依餘淒  
悲夫法師終然是棲室無停嚮途有廣蹊嗚呼  
哀哉端木喪尼哀直六年仰慕洙泗俯憚躬筌  
今子門徒實同斯難晨埽虛房夕泣空山嗚呼  
法師何時復還風嘯竹柏雲靄巖峯川壑如泣  
山林改容自咎聞風志願歸依山川路邈心往  
形違始終銜恨宿緣輕微安養有寄閭浮無希

嗚呼哀哉

銘

書帙銘

懷幽卷蹟戢紗抱密用舍以造舒卷不失亮惟  
勤玩無或暇逸

頌

無量壽佛頌

法藏長王宮懷道出國城願言四十八引擔拯  
羣生淨土一何妙來者皆清英頽年欲安寄乘

謝康樂集卷之四

化好晨征

賦

謝康樂集卷之四

謝康樂集卷之四

書



